

**RIALACHÁN CUR CHUN FEIDHME (AE) 2020/1130 ÓN gCOMHAIRLE**  
**an 30 Iúil 2020**

**lena gcuirtear chun feidhme Airteagal 21(2) de Rialachán (AE) 2016/44 maidir le bearta sriantacha i bhfianaise na staide sa Líbia**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2016/44 ón gComhairle an 18 Eanáir 2016 maidir le bearta sriantacha i bhfianaise na staide sa Líbia agus lena n-aisghairtear Rialachán (AE) Uimh. 204/2011 <sup>(1)</sup>, agus go háirithe Airteagal 21(2) de,

Ag féachaint don togra ó Ardionadaí an Aontais do Ghnóthaí Eachtracha agus don Bheartas Slándála,

De bharr an mhéid seo a leanas:

- (1) An 18 Eanáir 2016, ghlac an Chomhairle Rialachán (AE) 2016/44.
- (2) I gcomhréir le hAirteagal 21(6) de Rialachán (AE) 2016/44, tá athbhreithniú déanta ag an gComhairle ar liosta na ndaoine agus na n-eintiteas ainmnithe a leagtar amach in Iarscríbhinn III a ghabhann leis an Rialachán sin.
- (3) Tá an Chomhairle tagtha ar an tatal gur cheart na bearta sriantacha in aghaidh gach duine agus gach eintitis atá sa liosta a leagtar amach in Iarscríbhinn III a ghabhann le Rialachán (AE) 2016/44 a choinneáil ar bun, agus gur cheart an fhaisnéis chéannachta do dhuine amháin a nuashonrú.
- (4) Ba cheart, dá bhrí sin, Iarscríbhinn III a ghabhann le Rialachán (AE) 2016/44 a leasú dá réir,

TAR ÉIS AN RIALACHÁN SEO A GHLACADH:

*Airteagal 1*

Leasaítear Iarscríbhinn III a ghabhann le Rialachán (AE) 2016/44 i gcomhréir leis an Iarscríbhinn a ghabhann leis an Rialachán seo.

*Airteagal 2*

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 30 Iúil 2020.

*Thar ceann na Comhairle*  
*An tUachtarán*  
M. ROTH

---

<sup>(1)</sup> IO L 12, 19.1.2016, lch. 1.

## IARSCRÍBHINN

I gcuid A (Daoine) d'Iarscríbhinn III a ghabhann le Rialachán (AE) 2016/44, cuirtear an méid seo a leanas in ionad iontráil 18:

"18.	GHWELL, Khalifa ailias AL GHWEIL, Khalifa AL-GHAWAIL, Khalifa GHAWIL, Khalifa Mohamed	<p>Dáta breithe: 1 Eanáir 1956 nó 1 Eanáir 1951</p> <p>Áit bhreithe: Misurata, an Libia</p> <p>Náisiúntacht: Libiach</p> <p>Pas: A005465 (an Libia), a eisíodh an 12 Aibreán 2015, a chuaigh in éag an 11 Aibreán 2017 agus J690P666 (an Libia), a eisíodh an 12 Meitheamh 2016, ag dul in éag an 11 Meitheamh 2024</p> <p>Inscne: fireann</p> <p>Seoladh: Qasr Ahmed Street, Misurata, an Libia</p>	<p>Ba é Khalifa Ghwel 'Príomh-Aire agus Aire Cosanta', mar a ghairtí de, an Chomhdháil Ghinearálta Náisiúnta ('GNC') atá neamhaitheanta go hidirnáisiúnta (ar a dtugtar 'Rialtas Náisiúnta an tSlánaithe' freisin), agus dá réir sin, bhí sé freagrach as a ngníomhaíochtaí.</p> <p>An 7 Iúil 2015, rinne Khalifa Ghwel a chuid tacaíochta do Fhrona na Buanseasmhachta (Alsomood), fórsa míleata nua seacht mbriogáid a bhfuil sé mar aidhm aige cosc a chur le bunú rialtais aontachta i dTripilí, a léiriú nuair a d'fhreastail sé ar shearmanas an tsínithe chun Uachtarán GNC, Nuri Abu Sahmain, a insealbhú san fhórsa.</p> <p>Ina cháil mar 'Príomh-Aire' GNC, bhí ról lárnach ag Ghwel i mbac a chur ar bhunú an GNA a bunaíodh faoin gComhaontú Polaitiúil maidir leis an Libia.</p> <p>An 15 Eanáir 2016, ina cháil mar 'Príomh-Aire agus Aire Cosanta' GNC Thripilí, d'ordaigh Ghwel go ngabhfaí aon bhaill den Fhoireann Slándála nua a cheap Príomh-Aire Ainmnithe an Rialtais Comhaontaithe Náisiúnta, a leagfadh cos i dTripilí.</p> <p>An 31 Lúnasa 2016, d'ordaigh sé do 'Príomh-Aire' agus do 'Aire Cosanta' de chuid 'Rialtas Náisiúnta an tSlánaithe' filleadh ar an obair i ndiaidh do Theach na nIonadaithe diúltú don GNA.</p>	1.4.2016".
------	--	--	---	------------